

## BASES DA XXX EDICIÓN (ANO ACADÉMICO 2025-2026)

### Artigo I – OBXECTIVO

O Premio Internacional Grupo Compostela-Xunta de Galicia busca recoñecer anualmente a persoas físicas ou xurídicas do ámbito académico, científico, social, cultural ou político, significadas polos seus traballos, estudos, investigacións e iniciativas en prol da unidade europea e dos valores de cooperación, integración, diversidade e tolerancia, a promoción da cultura, o Camiño de Santiago e o progreso social.

### Artigo II – PROPOSTA DE CANDIDATURAS

Poderán propoñer candidaturas ao Premio Internacional Grupo Compostela-Xunta de Galicia:

1. As universidades socias do Grupo Compostela de Universidades.
2. A Xunta de Galicia.
3. Outras institucións europeas con rango oficial.
4. Os membros do xurado.

### Artigo III – ENVÍO DE CANDIDATURAS

Para a formalización de candidaturas, os pasos a seguir son:

1. Cumprimentar o formulario oficial facilitado no marco da convocatoria pola secretaría do Grupo Compostela de Universidades. Este formulario debe ser asinado polo máximo representante da institución —reitor/a, presidente/a ou equivalente— que presenta a candidatura.
2. Anexar ao formulario oficial un currículum vitae completo da candidatura (incluíndo os seus datos de contacto) e cantos documentos ou apoios se consideren pertinentes.

3. Remitir a candidatura por correo electrónico e con acuse de lectura, ao enderezo grupo.compostela@usc.es.

O prazo para remitir candidaturas é o **23 de marzo de 2026**. As candidaturas remitidas fóra de prazo e forma consideraranse nulas a todos os efectos.

#### Artigo IV – XURADO

O xurado estará composto polas seguintes autoridades:

##### **Presidente honorífico**

Presidente da Xunta de Galicia.

##### **Presidente**

Conselleiro de Educación, Ciencia, Universidades e Formación Profesional da Xunta de Galicia.

##### **Vicepresidente**

Presidenta do Grupo Compostela de Universidades.

##### **Membro nato**

Reitor da Universidade de Santiago de Compostela.

##### **Vogais**

Dous representantes da Xunta de Galicia.

Dous reitores das universidades socias do Grupo Compostela de Universidades.

##### **Secretaria**

Secretaria executiva do Grupo Compostela de Universidades.

#### Artigo V – CRITERIOS DE SELECCIÓN

Para a emisión do fallo, o xurado terá en conta os seguintes criterios:

1. A candidatura finalista terá que ter unha destacada relevancia e proxección internacional pola súa achega á preservación do patrimonio cultural e ao desenvolvemento dos valores de cooperación, integración, diversidade, tolerancia e unidade que rodean ao Camiño de Santiago.
2. O seu labor terá que estar vinculado ao compromiso social desde o ámbito académico, cultural e científico.
3. O seu perfil terá que permitir o establecemento de colaboracións multilaterais e sinerxías institucionais.

4. Non debe ter sido obxecto doutros galardóns similares de recoñecemento ofrecidos pola Xunta de Galicia.
5. Debe haber un certo equilibrio de xénero conforme á Lei Orgánica 3/2007, de 22 de marzo, para a igualdade efectiva de mulleres e homes.

No caso de que as candidaturas non reúnan os criterios indicados supra, o xurado poderá declarar deserto o Premio.

#### Artigo VI – REUNIÓN DO XURADO E SISTEMA DE VOTACIÓN

Anualmente haberá unha única candidatura premiada, fallada polos membros do xurado en reunión privada na Universidade de Santiago de Compostela.

Poderán votar todos os membros do xurado, a excepción do presidente honorífico e a secretaria.

O sistema de votación será mediante voto cantado. Cada un dos membros do xurado terá que indicar tres finalistas concedendo a seguinte puntuación:

- 3º finalista: 1 punto.
- 2º finalista: 2 puntos.
- 1º finalista: 3 puntos.

No caso de empate, procederase a realizar unha ou varias votacións para desempatar as candidaturas.

A candidatura finalista con maior puntuación será a gañadora do Premio.

#### Artigo VII – PREMIO

A persoa gañadora recibirá unha cuncha de ouro, emblema do Grupo Compostela de Universidades, e un premio en metálico de 6.000 euros brutos.

Se o Premio recae sobre unha persoa xurídica de carácter público, esta deberá ceder a contía económica a unha entidade sen ánimo de lucro e vinculada ao seu mesmo obxecto (académico, investigador, social, cultural ou político).

Se o Premio recae sobre unha persoa xurídica de carácter privado ou sobre unha persoa física, a cesión da contía económica será opcional.

### Artigo VIII – ENTREGA DO PREMIO

A cerimonia de entrega do Premio terá lugar no marco da asemblea xeral do Grupo Compostela de Universidades, a celebrar nunha universidade socia.

### Artigo IX – ORGANIZACIÓN

Todo o relacionado coa organización do Premio (información, correspondencia, interpretación das bases da convocatoria, etc.) é competencia da secretaría do Grupo Compostela de Universidades.

\*Nota: As bases deste Premio foron editadas en inglés, francés, español e galego. En caso de calquera discrepancia ou malentendido na súa interpretación, a versión en español terá sempre prioridade.